

越縵堂日記

第三十二冊

荀學齋日記甲集上



自己巳九月至己卯三月為桃花聖解會日記二十冊余年五十一矣史記評
荀卿年五十始來游學於齊顏氏家訓勉學篇亦言之或以史言荀卿下
逮李斯相秦其年當至百三十餘歲遂謂五十當作十五無論古人就傳入學皆
有定歲無十五游學之理如其言則史文何以有始末二事周秦漢初之間如
竇公張蒼年皆百餘歲何獨疑於荀卿乎周孝大儒孟荀並傳而荀卿傳
經之功尤大漢初六藝皆由卿出即所傳荀子三十篇醢粹美富無所不包夙
志鑽研冀紹收緒過時為學希仰大節爰以荀學名齋自今以後日記
遂以系之庶厲炳燭之光竊附假年之義既寤終莫亦吾志焉光緒五年歲
在磨維單閼日在大梁閏月慈銘自叙

三月二十九日癸酉小盡成初一刻三分穀雨中氣晴煖普光甚佳下午收有風是

上奉

兩宮自

東陵還宮

閱宋氏過庭錄

作書致敦夫子縑得子縑復為敦夫

書樞帖且謾句云文高東海傳雄賦居共西河是醴泉以與敦夫同居西寧

止隔一河故用南史陸慧曉傳語

得子縑書饋龍井明前茗兩瓶蘇州蝦

子鯊魚二十苞氣脯一肩作書復謝稿使四千反其虎脯

得綬丈書饋燕

鯉一尾即復書謝并贗伯寅尚書加宮保銜

褪盒來敦夫子縑

來始食黃花魚

比日庭中花樹繽紛柳絲漾曳海棠紅萼密綴滿枝

終歲之勤此為極賞一晦之室遂成小園

令圻人修牆屋

閏月甲戌朔霽數晴

閱宋氏翔鳳四書古今訓釋并有嘉慶十八年九

月自序其書止采用羣籍而不更下己意亦不全載經文所列引用書目五十三

種然攷其所采未及列者尚有五十種所引自集解義疏外以閻氏四書釋地翟氏

四書攷異凌氏四書典故數為最多日知錄潛邱劄記羣經補義潛研堂答問諸

書次之而引錢獻之論語後錄凡廿九條引其自著樸學齋札記凡十一條大氏務求

古誼為徵實之學者也惟於博齊下采文選注引桓譚新論論園基一條近於無謂

攷此先引見史記集解以喻薛公策黥布事且較選注為詳也論語後附其論語

版五則彙以附合公羊小言破道曲說侮聖不可以訓是日付贖佩表銀五兩五錢四

分去年七月所質者付贖庫銀八兩付修牆屋錢十三千恒兒五卷六千

初言乙亥霽晴相間是日

穆宗毅皇帝

孝哲毅皇后升祔

太廟禮成

閱四書古今訓釋

鬢頭

得子縝書即復

邱鈔前任陝甘總督楊岳斌奏請開去巡閱長江水師差使在籍養親

許之

初三日丙子晨雨上午微雨下午散晴旋霧傍晚小雨

視盒來子縝來是日

以閏三日本與諸君期為極樂寺之游因海棠未開又恐雨作遂改擬近游予詣子縝家飯畢同游慈仁寺山桃已過杏花半落海棠丁香尚未開惟藥枝榆葉梅作孽正盛金雀亦尚爛漫疏雨初晴嫩陽乍啟設几花下啜茗清談久之始歸庭中海棠紅萼已綻得雨以後益復鮮明有一二作孽者

偷晚偕飲宴賓齋。敦夫子練作主人招霞芬諸郎夜一更後歸大風
狂甚終夕震撼危牆作聲不敢就寐花事狼籍亦甚紫懷 作書致

紫泉詢行期

是日得詞二首

付車錢三千霞車飯二千

滿庭芳

己卯閏三月三日小雨微晴偕提憲敦夫子練
枝花下追憶庚申舊事悵然有作索諸君和

游蕊仁寺坐藥

花醒餘寒柳蘇絲雨。閨春留作重三。倦游詞客芳序恨長。海為約微
壺俊侶。鳳城畔。閒趁珂駟。輕陰裏。朱牆一抹松影轉幢南。那堪思往
事。廿年再禊。曾款精藍。問歲豐。朝士幾共言談。二字用世說晉
謝安禊洛水事惆悵僧貧樹
共一株雪。猶照春衫。憑高望斜陽。燕夢無恙。是晴嵐

一萼紅

庭中海棠一樹今年作夢甚蘇比日多露紅萼可愛夕風大起恐有
所損先倚曼聲賡之

倚西牆。有猩棠一樹。含意上金堂。珊瑚綴珍叢。脂勻粉朵未許蜂蝶輕狂。

看取次將開復歛似避人嬌面怕端詳散點朝霞輕籠細雨略逗斜陽
應記幾年栽就似摩娑稚女錦帶低量纔整髮頭凝羞暈頰未新
輕波春无鎮贏得回眸一笑視纖妍垂柳萬絲長只恐開時遇風翻損紅
妝。

邱鈔

上諭前據御史鄭溥元奏參山東巡撫文格濫索節壽陋規各節當經諭令
廣壽賤實廉前往查辦茲據查明具奏該撫雖無濫索陋規確據惟每逢
節壽司道府等致送禮物輒即收受殊屬不知檢束家人收受門包亦失於覺察
山東巡撫文格著交部議處該省藩臬兩司並查有收受節壽禮物門包情事
均屬不合山東布政使余思樞升任福建布政使前山東按察使陳士杰著一併

交部議處

上諭前據都察院奏知縣高仁保違抱呈訴伊弟高文保被朱永康等謀殺身死
當交廣壽錢寶廉親提嚴訊核據審明定擬具奏此案已革署山東嶧縣知
縣朱永康藉事勒捐強借當商銀錢被控提取人證延不解交後聽從伊姪朱
寶森將委員高文保謀殺並縱令朱寶森等逃逸實屬貪險已極朱永康著發
往黑龍江充當苦差已革巡檢李樹堅貪圖朱永康賄囑隨同捏稟追回府銷差文不
將實情稟明亦屬謬妄著發往軍臺效力贖罪已革千總趙孟彩聽從朱寶森謀
殺高文保從而加功著絞監候秋後處決理問銜候補巡檢高文保委提案件守正不阿
慘遭殺害著照銜從優議卹在逃之朱寶森韓景琦著一體嚴緝務獲究辦

初四日丁丑晨晴無風日加已大風復起黃沙霾景晡後稍止 晚起撫視花

樹尚無損大惟右花櫻桃飄零已盡海棠丁香招搖相熾亦有一二折若而風沙

不止等葉黯慘加以東鄰發屋塵土紛集以終歲之勤為數日之賞亦復不得

可謂寤矣

紫泉來

仲白來

付關姬丸藥錢三十

即鈔

兩宮皇太后懿旨恭親王等奏遵保在工人員開單呈覽一摺 惠陵工程自光緒元年八

月諏吉開工時經數載在工人員均能敬謹將事於迅速之中倍求詳慎自應量

予獎叙參領花尚阿著仍歸卓異案內遇有副都統缺出儘先題奏記名道府郎

中崧蕃聯興均著尋以道員用道員廷秀著分發省分歸候補班前即補知府員

鳳林著俟選缺後以道員在任歸候補班前光即補郎中蔣鎮嵩著俟知府得缺

後以道員在任候補監督直隸候補道熙敬著以四五品京堂用選用道長祿著以道員

即選工部候補員外郎楊枝著候補員外郎後以本部郎中無論咨留遇缺即補戶部主事徐承煜著賞戴花翎餘升賞有差

文武凡數百人

初五日戊寅晴穀風

海棠紫丁香榆葉梅俱盛開

得姜仲白書行前日

紀游詞

得族弟品芳三月中書告以東浦人全

賈光相寺僧謝墅山地葬

其親有故同知何傑之子何增為之主而西光相坊中人謂此山相傳漢會稽太守沈勳葬於此沈捨宅為光相寺西光相坊遂奉為土穀祠神攷沈之名姓不見史傳其捨宅為寺嘉大志雖載之其字即則志無可攷近時郡縣志始系之漢桓帝延熹四年不知何據然志言捨宅在東晉義熙中則志動世已遠所云墓地土穀皆是無稽之言而少之屬寺僧始於明代國朝康熙中有買地者坊人以為關隘坊休咎呈請封禁縣令為之立碑今誘寺僧而得之自為謬妄而展是坊者遂與之訟以為盜發沈

墓圖禍於人則尤謬矣吾家世居城外絕不相涉而族人多居是坊近日陳氏方

堅馬者陳之戚又與吾弟同開質庫於其地乃令詞以控且率余名入之

人不可以無學信哉有諸生位 若本以希客習訟事近亦寓是坊公牘曾列其表而二月下旬暴病歿

志生力從吏連葬其親陳葉封兄弟詣 家語之 匿不見其家人為惡語侮陳氏怒極殺去害生

並托而出遂控陳等毀掠其家貲夾金玉器甚夥華封謀之余中書恩照會駕部四府皆勸先據金氏

之墓遂其概而坊之編戶數百家又謀毀何氏居宅恐恐釀成禍變為桑梓之隱憂又聞金何皆有與境而

品芳魁錄兩造訟解寄閱似金氏之辭頗直惟互控後山陰趙令連諭封禁而金反連葬其圖占其明墓亦甚矣

而晚坐旁下見柳枝有披拂妨旁若上樹艾薪之又驅洗灌執泥水之後為此

勞力亦結習不可除也付黃煙廣費錢十千恒見費錢四千

初六日已昨晴午後又風天色黃翳倚晚霽閱說文比日敗於旁事讀

書多輟作書致視金致子集各寓閨重三日詞與之晚坐花下讀書

得子集復視金復付洋布錢二十四千

師鈔

以太常寺卿瑯圖禮為大理寺卿

編修何如璋補翰林院侍講

戶部郎中

常璩選授陝西鹽法兼鳳陽道

初七日庚辰晨晴上午數霽下午霽

君表來李子鈞來

視會來

以味昨日詞送聞

紅碧桃白丁香盛開今年庭中花事極盛正慰羈懷以

詩四首紀之

偏晚子鈞招飲聚寶堂坐為視會君表正甫夜三更後始散

君表邀飲霞分家固辭之歸

敦夫子縵來不值

付車錢四千

寓庭今年花事極盛得絕句四首

六年栽樹幸今成紅紫濃香各擅名為照主人顏似雪夕陽相映更多

情

常擬娛親闢小園。卜居難定一枝安。即今半欲欣欣采。不及閒居奉母看。

迴環小徑綠生步。列古春風錦一窠。贏得隸人沿路說。冷官無事種花多。

海棠粉褪柳絲斜。一樹櫻桃爛似霞。蜂蝶不知人迹斷。也尋花事到貧家。

初八日辛巳晨露上午薄晴下午晴

得伯寅尚書書惠銀十二兩即復

謝稿使四子

得子縝書行咏閑三日詞

上午坐車進宣武門出阜

成門經西直門過高粱橋獨游極樂寺看花海棠開未及半而紅萼滿林
猩豔尤絕丁香方盛紫荊榆葉梅壽檀亦尚有花若佛殿前梨花一樹

蘋果數株澹粉吹脂正為爛漫所最可流連若西偏荒園中結句亭野趣塔
光林泉疏秀極似江南平遠處耳今日本以閏己景尤可念命傳未得遂此
獨游而寺之閣黎慈俗盡態強相聒擾珠敗清興晡後歸 得紱文書

偕日記即復

鍾西符編修來

張子中同年來自揚州解餉入都者

見惠白虎通疏證新刻汪氏述學及銀一錠約五兩

殷夢庭饋燒肉黃花

魚粉麵饅頭

再得紱文書即復

計車錢九千守賞六千高果橋胞餅四千
張使隨使各半

郎鈔禮部奏遵保總辦襄辦承辦差務司員

詔記名道府郎中王毓藻著專以道員用並賞戴花翎郎中綿善以四五品京堂

補用餘升賞有差 凡數十人

初九日壬午晴燠散雪

庭前絳桃一樹去年所栽以旱故不榮枝亦多萎

今年疑其不復能活近日忽作夢二十餘朵豔如火齒大者若盃亦奇觀也

上午步詣教夫談即偕至對門看屋午歸

杜葆初新選安徽繁昌縣知縣

來拜

鬢頭

作書復品芳

晡後詣紫泉談姜仲白來邀飲聚寶堂夜

赴之一更許歸

付車錢三千

郎鈔

以通政司副使文暉為光祿寺卿

初十日癸未晨晴露相間上午晴下午多露

作復三妹書寄去絲綢三文

髦被十張及頭風膏洋糖又致內子書寄銀八兩磨菌一斤又寄三妹銀四兩為其

去年四十之壽及荷姑絲襪幘

紫泉來言吳吏部可讀於初六日自縊於薊

州野寺中有遺疏及副封交薊州知州以呈順天府轉咨吏部代奏且以家書寄

其子言即葬荊州已自擇墓地於某山其意蓋以 穆宗立嗣事為尸諫也家

書中有 惠陵風雨荊門東一詩中縣云探土已成帝鼎前星還祝紫微宮
是猶廣安藩致儼之言矣聞其人素忼慨喜為詩歌不飾邊幅及以事成祿事
錫秩歸皋蘭左湘陰甚重之延主書院比再入都補官年已將七十人竊以其再
出為疑而閉門謝客不復賦詩飲酒前月七日大雪忽戒車告其子以獨游盤山
如久不歸當至山相迎也蓋其再出山時志已早定祿係 山陵畢後從 毅皇於

地下孤忠獨行二百年來所僅見者然其疏指如專為 穆宗紹統則 帝王立

後與臣庶異凡嗣位者皆為子道 今上宮中已知 世及故事三年素服又山陵

告室已踰五年奉安以前尚行過密 吉主祔 廟百世不祧豈若民間必別立後

人承祧傳嗣方為父子乎 倘晚步諸敦夫不值作片致之以所寄家書託陸

湘泉轉屬人時至教未家再交金妹家也

夜雨

邸鈔

是日山東欽差尚書廉壽侍郎饒寶廉回京

上諭吏部奏遵議巡撫文格等處分一摺山東巡撫文格布政使余思樞福建布政使
前山東按察使陳士杰身為大員輒敢收受節壽禮物實屬咎有應得均著照部
議降三級調用不准抵銷文格等失察家人收受門包應得降一級調用處分均著
准其抵銷

工部奏遵保襄辦典禮出力人員

詔記名道府郎中恩良著專以道員用文光著以知府在任候選並俟得知府後
賞加鹽運使銜朱其煊俟得道員後賞加三品銜餘并賞有差

凡數十人

掌京畿道御史奎光授甘肅甘州府知府